



Cussegl da vischnaunca  
14-2017/2020

# **Lescha davart l'indemnisaziun dallas prestaziuns dalla vischnaunca Disentis/Mustér en connex cul provediment d'electricitad**

## **M E S S A D I**

dalla suprastanza communal a al cussegl da vischnaunca

Stimau signur president  
Stimadas signuras cusseglieras  
Preziai signurs cussegliers

Il gestunari dalla reit, oz la Repower SA, paga gia dapi onns alla vischnaunca Disentis/Mustér per far diever dil fons e terren public per la construcziun ed il menaschi dalla reit da distribuziun d'electricitad ina taxa annuala. La taxa annuala vegn calculada sin fundament dil quantum d'energia che vegn repartius ord la reit da distribuziun als consuments, multiplicaus il mument cun ina tariffa da 1.0 rap per kilowat ura. La Repower SA reparta quella taxa sils consuments finals. Quella taxa ei oz reglada ella cunvegna da prestaziun denter la Repower SA e la

vischnaunca Disentis/Mustér concernent il provediment d'electricidad. Dapi igl onn 2008 maunca denton ina basa legala. La nova lescha federala d'electricidad scriva avon ch'il gestiunari dalla reit sto sebasar sin ina lescha per ch'ella sappi adossar la taxa pil diever dil terren communal als consuments finals.

La pli gronda part dallas vischnauncas en Svizra sco era el cantun Grischun incasseschan quella taxa. La taxa variescha denter 0.2 entochen 2.8 raps per kilowat ura. Las vischnauncas ella Surselva che vegnan provedidas dalla Repower SA incasseschan il mument 1.0 rap per kilowat ura.

La lescha federala pil provediment d'electricidad metta peisa silla trasparenza dils cuosts en connex cul provediment d'electricidad. Igl artechel 12 dalla lescha scriva avon che las taxas per prestaziuns publicas ston vegnir indicadas separadamein sils quens dils consuments finals. Sils quens d'energia dalla Repower AG vegn quella taxa publica mussada ora separadamein. Las taxas per prestaziuns publicas ch'ils consuments finals pagan alla communitad (vischnaunca) ston sereferir sin ina basa legala. Ord quei motiv eisi vegniu elavurau ina lescha sin palancau communal. In contract da concessiun tonscha giuridicamein buca per quei intent. La lescha elavurada davart l'indemnisaziun dallas prestaziuns dalla vischnaunca Disentis/Mustér en connex cul provediment d'electricidad descriva tgi che ha da pagar la taxa, per tgei prestaziun che quei succeda e sin fundament da tgei model che la taxa vegn calculada. Il cuntegn da quella lescha corrispunda allas determinaziuns valeivlas e sebasar sin la lescha dalla vischnaunca da Tujetsch, elaborada cun sustegn d'in cusseglader giuridic.

Il president communal ha suttamess agl uffeci cantunal d'energia il sboz dalla lescha per posiziun. La risposta digl uffeci ei stada positiva, aschia che la lescha sa vegnir presentada al cussegl da vischnaunca per decisiun.

## Proposta

Sebasond sin las suranumnadas ponderaziuns

### propo na

la suprastonza communal al cussegl da vischnaunca:

- d'approbar la lescha davart l'indemnisaziun dallas prestaziuns dalla vischnaunca Disentis/Mustér en connex cul provediment d'electricidad.

Suprastonza communal Disentis/Mustér

Il president:

Il canzlist:

Robert Cajacob

Andri Hendry

Disentis/Mustér, ils 5 da fevrer 2018